



თბილისი

16.12.2021



მასწავლებელთა
პროფესიული
განვითარების
ეროვნული
ცენტრი



მასწავლებელთა
პროფესიული
განვითარების
ეროვნული
ცენტრი

ურთიერთთანამშრომლობის მემორანდუმი

სსიპ - დავით აღმაშენებლის სახელობის საქართველოს ეროვნულ თავდაცვის
აკადემიასა

და

სსიპ -მასწავლებელთა პროფესიული განვითარების ეროვნულ ცენტრს
შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში - „აკადემია“) წარმოდგენილი მისი რექტორის, ბრიგადის გენერალ - მამია ზალახაძის სახით და, მეორე მხრივ, სსიპ- მასწავლებელთა პროფესიული განვითარების ეროვნული ცენტრი (შემდგომში - „ცენტრი“), წარმოდგენილი მისი დირექტორის - ბერიკა შუკაკიძის სახით (შემდგომში - „მხარეები“), ანიჭებენ რა, განსაკუთრებულ მნიშვნელობას აკადემიასა და ცენტრს შორის განათლების სფეროში თანამშრომლობის დამყარებასა და განვითარებას,

აღიარებენ რა, თითოეული მხარის ინტერესებს, ხელი შეუწყონ საგანმანათლებლო სფეროს განვითარებას;

ეყრდნობიან რა, თანასწორობისა და ურთიერთპატივისცემის პრინციპებს, თანხმდებიან შემდეგზე:

1. მემორანდუმის საგანი

წინამდებარე ურთიერთთანამშრომლობის მემორანდუმით (შემდგომში - მემორანდუმი) მხარეები, თავიანთი კომპეტენციის ფარგლებში, საქართველოს კანონმდებლობის შესაბამისად, გამოხატავენ განათლების სფეროში ურთიერთთანამშრომლობის სურვილს.

2. მემორანდუმის მიზანი

მემორანდუმის მიზანს წარმოადგენს თანამშრომლობა მხარეთა საერთო ინტერესების სფეროში შემავალ აქტუალურ საკითხებზე, ერთობლივი პროფესიული და სასწავლო-საგანმანათლებლო პროექტების, ღონისძიებების დაგეგმვა და განხორციელება.

3. მემორანდუმის ამოცანები

მემორანდუმის ამოცანებია:

- 3.1. აქტუალურ საკითხებზე ერთობლივი სამუშაო შეხვედრების, კონფერენციების, სემინარების ორგანიზება;
- 3.2. საერთო ინტერესების სფეროში შემავალი საკითხების კვლევა და სასწავლო-საგანმანათლებლო პროექტების განხორციელება;
- 3.3. ორმხრივი ინტერესის სფეროში შემავალი ინფორმაციის გაცვლა;
- 3.4. ორმხრივი თანხმობის შემთხვევაში, საკუთარი კომპეტენციის ფარგლებში, ერთობლივი სასწავლო პროგრამების შემუშავება ან/და კონსულტაციის გაწევა აღნიშნული პროგრამებისა და მასალების შემუშავების პროცესში;
- 3.5. ორმხრივი თანხმობის შემთხვევაში, სასწავლო ტრენინგ კურსების განხორციელება;
- 3.6. საჭიროების შემთხვევაში, საერთაშორისო პროექტებში ერთობლივი მონაწილეობა;
- 3.7. თანამშრომლობის მიზნების მისაღწევად, კანონმდებლობით ნებადართული სხვა ღონისძიებების განხორციელება.

4. მხარეთა უფლებამოსილებანი

- 4.1. თანხმობის შემთხვევაში, მხარეებს აქვთ უფლება, გამოიყენონ მეორე მხარის კუთვნილი რესურსები ერთობლივი ღონისძიებების ორგანიზებისა და პროექტების განხორციელებისათვის;
- 4.2. მემორანდუმი არ ითვალისწინებს მხარეებს შორის რაიმე სახის და/ან ფორმის ფინანსური ვალდებულებების წარმოშობას, თუ, დამატებითი შეთანხმების საფუძველზე, სხვა რამ არ იქნა დადგენილი.

5. ფორსმაჟორი

მხარე, რომელსაც ფორსმაჟორული გარემოებების გამო ხელი შეეშლება თავისი ვალდებულებების შესრულებაში, არ უნდა იქნეს განხილული ამგვარი ვალდებულებების დამრღვევად და ფორსმაჟორულ გარემოებათა შედეგების შესამსუბუქებლად გამოყენებულ უნდა იქნეს ყველა შესაძლო საშუალება. ამავე დროს მხარეებმა ერთმანეთთან უნდა აწარმოონ კონსულტაციები წინამდებარე მემორანდუმის შემდგომი განხორციელების საშუალებებზე.

6. მემორანდუმის მოქმედების ვადა და შეწყვეტა

- 6.1. წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს 2 (ორი) წლის ვადით;
- 6.2. მიზეზის დასახელების გარეშე, წინამდებარე მემორანდუმის გაუქმება შესაძლებელია მეორე მხარისთვის 15 (თხუთმეტი) კალენდარული დღით ადრე წერილობითი შეტყობინების გაგზავნის საფუძველზე;
- 6.3. კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 7 (შვიდი) კალენდარული დღით ადრე წერილობითი შეტყობინების გაგზავნის საფუძველზე;
- 6.4. მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან, განახორციელონ ყველა შესაბამისი და აუცილებელი ღონისძიება მემორანდუმის ფარგლებში დაწყებული პროექტების დასასრულებლად.

7. დასკვნითი დებულებები

- 7.1. მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით);
- 7.2. მხარეთა ორმხრივი წერილობითი შეთანხმების საფუძველზე, მემორანდუმში შესაძლებელია შეტანილ იქნეს ცვლილებები და დამატებები, რომლებიც მემორანდუმის განუყოფელ ნაწილს წარმოადგენს;
- 7.3. მემორანდუმის შესრულებასა და განმარტებასთან დაკავშირებული სადავო საკითხები გადაიჭრება მხარეთა შორის კონსულტაციებისა და მოლაპარაკებების გზით.

7.4. მემორანდუმი შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

მხარეთა რეკვიზიტები და ხელმოწერა

სსიპ - დავით აღმაშენებლის სახელობის
საქართველოს ეროვნული თავდაცვის
აკადემია

რექტორი
დავით ბაგატიანი




მის: ცხინვალის რეგიონი, მე-3 კმ.
გორი, საქართველო
ვებგვერდი: www.eta.edu.ge
ელფოსტა: nda@mod.gov.ge

ს/კ 218083222

სსიპ - მასწავლებელთა პროფესიული
განვითარების ეროვნული ცენტრი

დირექტორი
ბერიკა შუკაკიძე



მის: ქ. თბილისი, სანდრო ეულის ქ. N5
ვებგვერდი: www.tpdc.ge
ელფოსტა: info@tpdc.ge

ს/კ: 202374251